

54. Fundur bæjarráðs Blönduósbæjar fimmtudaginn 24. maí 2012, kl. 15:00.

Varaformaður bæjarráðs, Zophonías Ari Lárusson setti fundinn. Arnar Þór Sævarsson, bæjarstjóri ritaði fundargerð. Mæting skv. undirskriftum.

Dagskrá:

- 1. Erindi frá stjórn veiðifélags Blöndu og Svartár frá 7. maí 2012**
- 2. Beitarhólf**
- 3. Fundargerðir**
 - a) Stjórnar SSNV frá 24. apríl 2012**
 - b) Stjórnar Sambands íslenskra sveitarfélaga frá 27. apríl 2012**
 - c) Stjórnar Hafnarsambands Íslands frá 16. mars 2012**
 - d) Stjórnar Hafnarsambands Íslands frá 23. apríl 2012**
 - e) Stjórnar Hafnarsambands Íslands frá 15. maí 2012**
- 4. Bréf frá félags-og skólaþjónustu frá 16. apríl 2012**
- 5. Bréf frá Sæmár ehf. frá 21. maí 2012**
- 6. Erindi frá foreldrafélagi Blönduskóla vegna skólalóðar frá 14. maí 2012**
- 7. Erindi frá Afli, samtök gegn kynferðis og heimilisofbeldi á Norðurlandi frá 26. apríl 2012**
- 8. Vinnuskóli fyrir árið 2012**
- 9. Samningur vegna framkvæmd Húnavöku 2012**
- 10. Önnur mál**

Afgreiðslur:

1. Erindi frá stjórn veiðifélags og Svartár frá 7. maí 2012

Sigurður Ingi Guðmundsson ásamt Brynjólfi Friðrikssyni mættu f.h. Veiðifélags Blöndu og Svartár og óskuðu eftir að Blönduósbær veitti leyfi til að stugga við sel með skotvopni í ósum Blönduósbæjar.

Bæjarráð samþykkir að veita Vigni Björnssyni heimild að stugga við sel með skotvopni í ósum Blöndu. Bæjarráð leggur áherslu á að það valdi bæjarbúum og ferðamönnum ekki ónæði.

2. Beitarhólf

Ágúst Þór Bragason og Páll Ingbór mættu á fundinn.

Bæjarráð samþykkir að úthluta fyrrum landi Undraveröldar sem beitarhólfum. Tæknideild falið að leysa sem fyrst úr , þess sem tapaði landi vegna framkvæmda og annarra fyrirliggjandi röð á biðlista

3. Fundargerðir

a) Stjórnar SSNV frá 24. apríl 2012

Lögð fram til kynningar.

b) Stjórnar Sambands íslenskra sveitarfélaga frá 27. apríl 2012

Lögð fram til kynningar

c) Stjórnar Hafnarsambands Íslands frá 16. mars 2012

Lögð fram til kynningar

d) Stjórnar Hafnarsambands Íslands frá 23. apríl 2012

Lögð fram til kynningar

e) Stjórnar Hafnarsambands Íslands frá 15. maí 2012

Lögð fram til kynningar

4. Bréf frá félags-og skólaþjónustu frá 16. apríl 2012

Félags-og skólaþjónusta A-Hún. óskar eftir því að Blönduósbær endurskoði gjaldskrá sína er varðar aksturþjónustu fatlaðs fólks innan þéttbýlis Blönduósbæjar.

Bæjarráð vísar gjaldskránni til fjárhagsáætlunargerðar fyrir árið 2013. Bæjarstjóra falið að skoða málið frekar.

5. Bréf frá Sæmár ehf. frá 21. maí 2012

Sæmár ehf. hefur verið í viðræðum við útgerðaraðila á Blönduósi um afhendingu á fiskafli. Samningar hafa ekki nást. Sæmár ehf. krefst þess að Blönduósbær beiti sér í því gagnvart Fiskistofu og/eða sjávarútvegsráðuneytinu að þessum aflu verði endurúthlutað á þá báta sem fram að þessu hafa viljað semja við Sæmár ehf.

Bæjarráð felur bæjarstjóra að boða aðilum málsins á fund.

6. Erindi frá foreldrafélagi Blönduskóla vegna skólalóðar frá 14. maí 2012

Foreldrafélag Blönduskóla hefur áhyggjur af skólalóð Blönduskóla þar sem frágangur á henni getur ekki talist fullnægjandi.

Því er beint til bæjaryfirvalda að ljúka framkvæmdum sem fyrst, í síðasta lagi áður en nemendur mæta til skóla næstkomandi haust.

Bæjarráð þakkar erindi frá foreldrafélagi Blönduskóla og felur tæknideild að lagfæra nú þegar þau atriði sem börnum stafar hættu af. Tryggt sé að sveitarfélagið uppfylli gildandi lög og reglur um öryggi á skólalóð. Tæknideild vinni að málefnum skólalóðar með hliðsjón af erindi foreldrafélags Blönduskóla í samráði við skólayfirvöld.

7. Erindi frá Afli, samtök gegn kynferðis og heimilisofbeldi á Norðurlandi frá 26. apríl 2012

Aflið, samtök gegn kynferðis og heimilisofbeldi á Norðurlandi óskar eftir fjárstuðningi sveitarfélagsins.

Bæjarráð tekur jákvætt í erindið og felur bæjarstjóra að kanna styrkheimildir yfirstandandi árs.

8. Vinnuskóli fyrir árið 2012

Fyrir fundinn liggur samantekt yfir laun í vinnuskóla fyrir árið 2012. Laun í vinnuskólanum hafa staðið í stað frá árinu 2010. Bæjarráð samþykkir 3,5% hækkun launa í vinnuskólanum á Blönduósi.

9. Samningur vegna framkvæmd Húnavöku 2012

Fyrir fundinn liggur samningur við Markvert ehf. vegna Húnavöku 2012. Bæjarráð samþykkir samninginn.

10. Önnur mál

Engin önnur mál.

*Fundargerð upplestin og samþykkt.
Fundu slitið 19:20*

*Zophonías Ari Lárusson (sign.)
Hilmar Hilmarsson (sign.)
Hörður Ríkharðsson (sign.)*

Arnar Þór Sævarsson (sign.)